


نشر بالصور حصريا نص رسالةأحد معتقلي كوم الدكة يروي فيها مجزرة قام بها مدير أمن الاسكندرية



الأحد 8 يونيو 2014 12:06 م

نافذة مصر - الأسكندرية - حصرياً

رسالة من احد معتقلي كوم الدكة:

يوم الأربعاء ٤ يونيو تفاجئنا بترحيلة العقابية ، دخل علينا العساكر قعدنا نهتف "مش هنروح العقابية" ، قعدوا يشتمونا وسلطوا علينا الجنائين طلعوا علينا بالأرايز والعصيان ضربونا وعورونا كلنا والضباط سابتهم يضربونا ويعورونا ، كلنا اتصابنا عن نفسي اتصابت في ايدي ورجلي[]

شوية ولقينا ناصر العبد ومدير الأمن وقوات خاصة اقتحموا المكان واخذوا ناس مننا كنت منهم ، فشخوهم ضرب دي كلمة قليلة ، انا عمري ما كنت اتخيل انضرب الضرب ده .. قوات كلها مسلحة ضربونا بالخشب وضرر الأسلحة .. ربطونا خلفي ونيمونا على بطننا .. كانوا يضربوا بالبيادات على وشوشنا .. وقعدنا اكثر من ربع ساعة ضرب متواصل من القوات الخاصة .. جسمنا كله كان بيحس دم .. كلنا عندنا كدمات[] كنا حوالي ١0 واحد دول اللي انضربوا .. اما الباقي كان قاعد فوق مانضربوش ، ناصر العبد مدير الأمن كان بيضربني بنفسه[]

كانوا بينتقموا مننا بأبشع الصور .. منعوا عننا الزيارات .. نيمونا عالبلط يومين ونص كاملين .. ناس كثير عضها وجعها من النوم عالبلط .. الجنائين سرقوا مننا كل حاجتنا .. كل مخبر بيدخل بيضرب فينا ويهينا ومانعرفش نتكلم[]

اللي حصل معنا مهما هنحكي مش هنعرف نقول كل اللي حصل[]

عملونا قضية .. ولفقولنا التعدي بالضباط وبلوي كثير .. مانعين عننا كل حاجة انا باكتب الكلام ده بالعافية وانا خايف حد يشوفني[]
حسبنا الله ونعم
الوكيل #أحرار_كوم_الدكة

